

Arkiv	Saksbehandlar	Møtedato	Sak nr.
612.0	Knut Øyjordet	22.02.19	4/19

ELG-, HJORTE- OG RÅDÝRJAKTA FRÅ 2019*Saksdokument:*

Svar på spørjeskjema om delt jakt (gjeld elg-/hjortejakta).

Oppsummering av svara og spørjeskjemaet er kopiert opp og vedlagt saka.

Saksutgreiing:

Opplegget for elg-, hjorte- og rådyrjakta vart sist revidert i 2016, og fjellstyret fatta følgjande vedtak i sak 3/16:

Elg

Jakttid: 25.09 – 31.10. Jakttida kan kvart år bli utvida i tråd med dei offentlege jakttidsrammene avhengig av kor mange dyr som står att på kvotene, samt den årlege totalkvota for Langmorkje statsallmenning. Dagleg leder får fullmakt til å regulere dette. Kg-pris kr. 73,-. Grunnpris kr. 3.000,-.

Halv pris for kalv under 50 kg, 1 ½-årsdyr under 100 kg og vaksne dyr under 140 kg. For vaksne dyr gjeld halv pris berre på kvote for vaksne dyr.

For tilleggsdyr: kg-pris kr. 73,-. Ingen grunnpris.

Jakt på trekkelg: kg-pris kr. 36,50. Ingen grunnpris.

Fellingsavgift blir betalt av jaktlaget.

Hjort

Jakttid: 01.09 – 23.12. Bruk av laushund er lov frå og med 25.09. Ca. halvparten av kvota kan bli tildelt før elgjakta startar. Dagleg leder får fullmakt til å regulere dette og elles stoppe jakta når forholda tilseier det.

Kg-pris kr. 73,-. Ingen grunnpris. Gjeld også eventuelle tilleggsdyr.

Fellingsavgift blir betalt av jaktlaget.

Rådyr

Jakttid: 25.09 – 23.12. Bruk av laushund i tida 01.10 – 23.12.

Vaksen rådyrbukk (bukkejakta) 10.08 – 24.09. Dersom det ikkje blir felt dyr under bukkejakta, kan det bli jakta på same kortet fram til og med 23.12 utan krav til kjønn og alder.

Prisar: kr. 400,- for kort frå 25.09, kr. 500,- for bukkejaktskort.

For elg- og hjortejakt blir det stilt krav om godkjent ettersøkshund (ekvipasje) i laget. Jaktfelta blir sett bort på tre år. Felta Rindhovda, Griningsdalen, Flatningen-Melingen, Sjolia og Lemonsjø-Tesse blir i perioden 2016-2018 sett bort til innanbygds jaktlag, medan Randsverkområdet, Synstlia-Kvitingen og Sjodalen blir ”ope for alle”.

Rulleringsordninga blant innanbygds lag blir vidareført, slik at dei fem laga som blir trekt ut i 2016 og takkar ja til tilbodet, blir stilt sist i køen ved trekking om tre år. Dette gjeld også for lag som eventuelt seier opp avtala etter fyrste eller andre året. Fjellstyret godtek at blant

Adresse	Telefon	Bankgiro	E-post
Postboks 16 2684 VÅGÅ	61 29 37 37	2085.25.13625	vaga@fjellstyrene.no

aktuelle innanbygds lag i trekninga kan ein ha med ein jeger frå eitt av dei laga som hadde jakt siste treårsperiode.

For brot på ulike reglar, legg fjellstyret til grunn sinksjonar som Norges Fjellstyresamband har utarbeidd. Det blir elles vist til innhald i kontrakt og dei generelle reglane for elg- og hjortejakt i statsallmenning og med utfyllande lokale reglar for elg- og hjortejakt i Langmorkje statsallmenning. Fjellstyret vil nytte standard oppsett for kontrakt, vegingsskjema m.m.

Vurdering:

Alle elg- og hjortejaktfelta skal nå lysast ut. Det er naturleg å halde fram med treårskontraktar. Det same med jakttidene. Kg-prisen på elg- og hjortejakt har vore justert kvart tredje år. Det er såleis naturleg med ein prisauke att nå, og med ein kg-pris som samsvarar med prisar andre fjellstyre i distriktet nyttar. Fjellstyra er friteken for bruk av moms på jakt. Elles bør krav om godkjent ettersøkshund (ekvipasje) i laget bli vidareført. Rulleringsordninga blant innanbygds lag er godt akseptert og bør også bli vidareført.

I trekninga blant innanbygds lag for tre år sidan var det 13 lag «i hatten», og ca. det same i 2013. Og når dei fem laga som sist hadde jakt, blir stilt bak i køen, så viser det kor stor interesse det er. For at fleire skal få tilbod om jakt, har derfor spørsmålet om delt jakt nå vorte «lufta». Det vart sendt ut eit spørjeskjema til dei innanbygdslaga ein kjener til, totalt 24 lag. Skjemaet og ei oppsummering av svara frå dei 15 laga som har svart, er kopiert opp og vedlagt saka. I skjemaet var det «lufta» eit forslag om delt jakt for fem felt (tre innanbygds og to «ope for alle»), samt å opprette eit nytt felt i Sjodalen, ved å ta Hoskelie frå Sjodalsfeltet og strekninga Stuttgonglie – Grasvikje frå Griningsdalsfeltet. Det vart også arrangert eit ope møte på kommunestyresalen den 7. februar, der 25 møtte.

Blant dei 15 laga som svara, så har 10 av dei jakta i Langmorkje i løpet av dei siste tre periodane. 11 lag er negative til å prøve delt jakt, 4 er positive. Det er ulikt syn på dette med delt jakt i fleire lag. I tillegg har det kome eit felles svar frå styra i Vågå JFF og Jotunfjell/Fjordane elghundklubb, som er negativ til delt jakt. Hovedargumenta imot er at det blir for stutt jakttid, mindre bruk av hund og at det kan bli «stress» ved jakta. Hovedargument for delt jakt er at fleire lag får tilbod om jakt.

Når det er så stor interesse for jakt, bør delt jakt bli prøvd for komande 3-årsperiode. Men fordi det er flest lag som er imot delt jakt, bør det bli prøvd ut i mindre omfang enn forslaget som var skissert i spørjeskjemaet, og for innanbygdslag bør det prøvast ut berre for eitt felt. Men for felt «ope for alle», som normalt utanbygdslag blir trekt ut på, kan det gjerne prøvast ut med delt jakt for to felt. Dette fordi utanbygdslag som regel jaktar intensivt tidleg i jakta, og langt mindre utover hausten. Ved å opprette det «nye» feltet i Sjodalen i tillegg, kan ein ved eit delt jakt-opplegg som nemnd ovanfor, oppnå 7 innanbygdslag (2 på delt jakt) og 5 utanbygdslag (4 på delt jakt).

Når det gjeld spørsmål om kva for felt som bør bli sett bort til innanbygds, så varierer svara frå jaktlaga. Men felta Rindhovda, Griningsdalen, Lemonsjø-Tesse og Flatningen-Melingen er høgt prioritert. I val av felt må også kravet til 60/40-fordeling av kvote til innan- og utanbygdslag oppfyllast. Med dagens elgbestand ligg det ikkje an til store endringar i kvotene dei nærmaste åra. Såleis skulle det gå greitt å tildele to felt til utanbygds i fremre del av

Adresse	Telefon	Bankgiro	E-post
Postboks 16 2684 VÅGÅ	61 29 37 37	2085.25.13625	vaga@fjellstyrene.no

statsallmenningen, og eitt felt i sjølve Sjodalen. Tilbakemelding frå NFS viser at det vil vera svært vanskeleg å få dispensasjon til ei endring av 60/40%-regelen.

Det er mange år sia det var elgjakt i nasjonalparken (dvs. i vestenden av Gjende), siste gongen var først på 2000-talet, og jakta skjedde i eit samarbeid med Lom fjellstyre. Det har ikkje vore stor nok bestand til å starte opp att med elgjakt her sidan den gong. Men i seinare år har det etablert seg ein bra bestand av hjort i området, og fleire hjortar har også overvintra her, og spesielt på sørssida av Gjende er det observert fleire dyr. Dersom bestandsforholda tilseier det, bør ein vurdere å opne for jakt på hjort i nasjonalparken.

Innstilling til vedtak:

Fjellstyret vedtek følgjande opplegg for elg-, hjorte- og rådyrjakta i Langmorkje statsallmenning frå 2019 og inntil vidare:

Elg

Jakttid: 25.09 – 31.10. Jakttida kan kvart år bli utvida i tråd med dei offentlege jakttidsrammene avhengig av kor mange dyr som står att på kvotene, samt den årlege totalkvota for Langmorkje statsallmenning. Dagleg leder får fullmakt til å regulere dette, jf. delegasjonsreglementet. Det same gjeld å opne for overgang for eit jaktag til eit anna jaktfelt for å få fylt kvota, samt å opne for korttidsjakt på ei restkvote dersom det skulle bli aktuelt. Kg-pris kr. 76,-. Grunnpris kr. 3.000,- pr. dyr. Same pris for tilleggsdyr, men ikkje grunnpris. Halv pris for kalv under 50 kg, 1 ½-årsdyr under 100 kg og vaksne dyr under 140 kg. For vaksne dyr gjeld halv pris berre på kvote for vaksne dyr. Fellingsavgift blir betalt av jaktaget.

Hjort

Jakttid: 01.09 – 23.12. Bruk av laus hund er lov frå og med 25.09. Dagleg leder får fullmakt til å regulere tildeling av totalkvota og elles stoppe jakta når forholda tilseier det. Det same gjeld å opne for korttidsjakt på ei eventuell restkvote dersom det skulle bli aktuelt. Kg-pris kr. 76,-. Ingen grunnpris. Gjeld også eventuelle tilleggsdyr. Fellingsavgift blir betalt av jaktaget.

Rådyr

Jakttid: 25.09 – 23.12. Bruk av laushund («lös på drevet halsende hund») i tida 01.10 – 23.12. Vaksen rådyrbukk (bukkejakt) 10.08 – 24.09. Dersom det ikkje blir felt dyr under bukkejakta, kan det bli jakta på same kortet fram til og med 23.12 utan krav til kjønn og alder. Prisar: kr. 500,- for kort frå 25.09, kr. 600,- for bukkejaktskort.

For elg- og hjortejakt blir det stilt krav om godkjent ettersøkshund (ekvipasje) i laget. Jaktfelta blir sett bort på tre år. Det blir som ei prøveordning i neste 3-årsperiode (2019-2021) oppretta eit nytt jaktfelt Sjodalen aust, dvs. strekninga frå Stuttgongsetra i nord til og med Hoskelia i sør. Grensa mellom dette nye jaktfeltet og feltet Griningsdalen blir ei linje mellom Ingulsjøhøe – Griningsdalskampen – Griningdalshøe – Dyrtjønnhøe. Grensa mellom dette nye feltet og feltet Sjodalen (som nå blir kalla Sjodalen vest) følgjer Sjoa i nord (som tidlegare grense mellom Sjodalen og Griningsdalen), og fylkesveg 51 frå Heimsand og sørover til kommunegrensa mot Øystre Slidre.

Adresse	Telefon	Bankgiro	E-post
Postboks 16 2684 VÅGÅ	61 29 37 37	2085.25.13625	vaga@fjellstyrene.no

For at fleire skal få tilgang til elg- og hjortejakt, vil fjellstyret prøve ut eit opplegg med delt jakt i neste 3-årsperiode, dvs. feltet Lemonsjø-Tesse for innanbygds, og feltet Randsverk og Synslie-Kvitingen for utanbygds («ope for alle»). Jakttid for delt jakt er 25.09-10.10 (elg) og 01.09-10.10 for hjort i 1. periode, og 11.10-31.10 (elg og hjort) i 2. periode.

Det blir ei rullering mellom dei to jaktlaga som får tildelt jakt i same feltet, slik at det jaktlaget som blir trekt ut på 1. periode i 2019, får 2. periode i 2020 og 1. periode att i 2021.

Dersom eit jaktlag fyller grunnkvota på elg før den 10. oktober, kan neste lag starte jakta før den 11. oktober, sjølv om det står att hjort på totalkvota. Det same gjeld om laget i 1. periode ikkje har felt alle elgane til 10. oktober og laget i 2. periode fyller kvota før 31. oktober, da kan laget i 1. periode «sleppa til att» før den 31. oktober.

Dersom jaktlag på delt jakt ikkje har fylt grunnkvote på elg eller felt eventuelt tildelt tilleggsdyr innanfor fastsett jakttid fram til 31. oktober, kan jaktlaget/laga få jakte på desse etter den 1. november. Dagleg leder får fullmakt til å styre dette.

Felta Flatningen-Melingen, Rindhovda, Griningsdalen, Sjodalen aust og Sjodalen vest blir i perioden 2019-2021 sett bort til innanbygds jaktlag utan delt jakt, medan feltet Sjolie blir «ope for alle» utan delt jakt.

Rulleringsordninga blant innanbygds lag blir vidareført, slik at dei sju laga som blir trekt ut i 2019 på felt avsett til innanbygdslag, og som takkar ja til tilboden, blir stilt sist i køen ved trekking om tre år. Dette gjeld også for lag blant dei sju som eventuelt seier opp avtala etter første eller andre året. Fjellstyret godtek at blant aktuelle innanbygds lag i trekninga kan ein ha med maksimalt ein jeger frå eitt av dei laga som hadde jakt siste treårsperiode.

For brot på ulike reglar, legg fjellstyret til grunn sanksjonar som Norges Fjellstyresamband har utarbeidd. Det blir elles vist til innhald i sjølve kontrakten, dei generelle reglane for elg- og hjortejakt i statsallmenning og med utfyllande lokale reglar for elg- og hjortejakt i Langmorkje statsallmenning. Fjellstyret vil nytte standard oppsett for kontrakt, vegingsskjema m.m. Som tidlegare stiller fjellstyret krav til at det skal vera minimum seks jegerar på laget. Dette kravet gjeld også for lag med jakt på felt med delt jakt.

Dersom bestandsforholda tilseier det, kan det bli aktuelt å opne for jakt på hjort i Jotunheimen nasjonalpark. Dette blir i så fall lyst ut som ei eige jakt til innanbygds. Dersom slik jakt blir aktuelt i løpet av dei neste tre åra, så vil jaktlag/jegerar som ikkje har elg-/hjortejakt i Langmorkje i perioden 2019-2021 bli prioritert. Dagleg leder får fullmakt til å opne for slik jakt, og følgje opp dette med m.a. å fastsetje kvote, jakttid og eventuelt inngå samarbeid med Lom om felles jaktfelt og jaktopplegg.

Dersom det blir opna for jakt på trekkelg etter nyttår, så blir opplegget omkring dette tatt opp som ei eige sak seinare. Dette omfattar også eventuelt jakt på trekkelg før jul.

Vedtak: Samrøystes: Som innstillinga.

Rett utskrift.

Vågåmo, 22.02.19

Knut Øyjordet (e.f)

Adresse	Telefon	Bankgiro	E-post
Postboks 16 2684 VÅGÅ	61 29 37 37	2085.25.13625	vaga@fjellstyrene.no